



**ATA OFISIAL DI INKONTRU  
AUDISON DI ORSAMENTAL DI FY23 Y RUNION DI KUMITE SKULAR DI BOSTON**

**kuarta-fera, 6 di Abril di 2022**

Kumité skular di Boston rializa um riunion dia 6 di Abril di 2022 ,17 ora na Zoom. Pa mais informason sobri kualker un di kes itens listadus dibaixu, vizita [www.bostonpublicschools.org/schoolcommittee](http://www.bostonpublicschools.org/schoolcommittee), e-mail [feedback@bostonpublicschools.org](mailto:feedback@bostonpublicschools.org) tilifona pa o skritóriu di Kumité skular di Boston pa (617) 635-9014.

#### FREKUENSIA

Membrus di kumité skular Presentis: Prizidenti Jeri Robinson; Visi-Prizidenti Michael O'Neill; Stephen Alkins; Brandon Cardet-Hernandez; Lorena Lopera; Rafaela Polanco Garcia; y Riprizentanti Studantil Xyra Mercer.

Menbrus di Kumité Skular Auzenti: Quoc Tran

#### DUKUMENTUS APREZENTADUS

##### Ajenda

Ata di Riunion: Marsu 23, 2022

Rekumendason di atribuison pa Inpreza di Buska di Izekutivus pa Superitendenti di Skola Publiku di Boston

Memorandun di aprezentason di diskrison di trabadju di superitendenti

Diskrison di trabadju di superitendenti

Subsidius pa Apruvason na un total di \$115,174

Rekumendason di atribuison pa Inpreza di Buska di Izekutivus pa Superitendenti di memorandun di Skola Publiku di Boston

Memorandun di pagamentu di pruvizóriu di saláriu y nau-pesual sobri fundus sternus

Prumas sentral di aprezentason MSBA

*kuarta-fera, 6 di Abril di 2022*

Aprezentason di Renovason Transdev

Deklarasons di inpaktu di stenson di kontratu di Transdev

## PIDIDU DI ORDI

Prizidenti Jeri Robinson konvoka un riunion y el lidera un juramentu di lieldadi A Sra. Sullivan Txoma psoal. Sr. Tran staba auzenti. Mr. Cardet-Hernandez txiga un bokadu dipos di xamada numinal Tudu kes otus membrus staba prizenti.

Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. També ta ser publikadu na [bostonpublicschools.org/schoolcommittee](http://bostonpublicschools.org/schoolcommittee) e na YouTube. E anusiaba ma staba dispuniel sirvisus di interpretason simultânia na spanhol, kriolu haitiano, Kabuverdianu , vietnamita, kantonês, mandarim, e língua jestual amerikanu (ASL). intérpretis presenta sés kabesa y es da instrusom na sés línga nativa sobri modi kes ta asesá interpretasom simultânia através di mudansa di kanal Zoom. Dokumentus traduzidus di reunion sta postadu na [www.bostonpublicschools.org/schoolcommittee](http://www.bostonpublicschools.org/schoolcommittee) antis di inisiu di riunion

**Anunsiu:** Prezidenti Robinson anunsiá ki aprezentason di Pulitika di klasifikason ekuitativu prugramadu pa kel riunion li foi adiadu pa pruporsiona Superitendenti y se ikipa mas tenpu pa refina pruposta y involvi partis interesadus. Sta previstu un aprezentason pa mas tardi nes primavera.

## APROVASOM DI ATA DI RIUNION

**KonferidU** - pa chamada nominal, kumité aprova pa unanimidadi ata di riunion di kuarta-fera, 23 di Marsu di 2022.

## RELATÓRIU Di SUPERINTENDENTI

*Sima preparadu pa intrega.*

Obrigadu, Senhora Prisidenti, y obrigadu pa tudu nhos ki sta ku nós hoji nés noti. Nteni alguns atualizasons kin kre partilha antis di nu mergudja na aprezentasons des noti.

Primeramentim Abril e mes di Aseitason di Autismu. Kel dezinason li era txomadu di Mes di Konsiensia di Autismu, ma na 2021 foi mudadu pa "Aseitason" pa Asosiason di Autismu di Merka. Apezar di kel revizon li ta parsi sinplis, el e krusial pa djuda a pruvoka un mudansa na vida di pesoas ku autismu y di ses famílias. Konsiensia e sabi ma alguen ten autismu inkuantu ki aseitason e monstra inkluzon. Duranti mes di Abrilm nu ben tudu aproveita tenpu pa selebra singulariedadi ki kada kriansa ta trazi a nos kumunidadi, y rekunhesi famílias y kumunidadis skularis ki ta apoias.

Feliz dia di Paraprufisional y Feliz Semana di Apresiasi di Diretor asistenti!

*kuarta-fera, 6 di Abril di 2022*

N'ta gostaba tanbe di aproveita tenpu pa rekunhesi oji komu Dia Nasional di Alunu atleta. Oji nu ta rekunhesi y nu ta onra tudu atletas di BPS pa se trabadju duru y rializasons eksepsional komu alunos-atletas. Es atinji exselensia akadémiku y atlétiku, au mesmu tenpu ki es da kontribuisons signifkativus pa kada un di ses propriu skolas y kumunidades. Min e orgulhozu BPS di nhos dedikason y inpenhu - nhos kontinua grandi trabadju!

Sima provavelmenti dja nhos oia na notisia, ten tidu un aumentu priokupanti di insidentis di violensia na nos bairus au longu di ultimus semanas. Stória ta flanu ki a midida ki tenpu ta kenta y ki ten mas oportunitadís pa sai nu ta ben sprimenta es tipu di ondas. BPS y nos gabeti di servisus di sirvisus di Siguransa sa permanesi na kontaktu prósimu y regular ku Departamentu di Pulisia di Boston y Gabeti di Seguransa Publiku di Prezidenti di Kamara Munisipal. Nu foi informadu pa tudu dos ajensias y nu partilha infurmasons ku nos Lider Skular. Nu sa kontinua na kontakru diáriu ku nos parserus y nu sta ta trabadju na un stratéjia kontinu pa garanti ki nos skolas e seguru pa nos alunos y pesual. Ku un asesu mas grandi a akonselhamentu y a asistentis susial y papel alargadu di nos Spesialistas na Seguransa, BPS sta ta trabadja na sentidu di furnesi asesu a servisus di apoiu a alunos, y linhas di kumunikason entri menbrus diesual. Nu garanti tanbe ki tudu salas di aula y tudu nos skolas ten planus di seguransa ki ta orientas sobri midjor manera di respondi kualker insidenti. Nu sa trabadja tanbe na mididas preventivus sima revizon di tudu ikipamentum inkluindu kamara y detetoris di metal. Min nomeia un kumité di Seguransa konpostu pa líderes di munti departamentus ki ta riuni regularmenti pa reve dados y papia ku lideris skular. Kumison ta trazen nton rekumendasons sobri ajustis ou aditamentus a nos planus di seguransa. Nos nu e un parti di un resposta mas grandi y kordenadu na sidadi interu y nu ta ben furnesi atualizasons au longu di restu di anu letivu konformi pusivel.

Djan mensiona kel atualizasons li na runins anterior, ma min kre partilha kel mas resenti, un bes ki BPS sa konsidera un mudansa pa un pulitika di maskara opsional na nos skolas. Sima nhos tudu nhos ta lenbra, Kumison di Saúdi Publiku di Boston anunsia na se runion publiku di 9 di Marsu ki se rekumendason pa BPS e konsidera mudansa pa un opson di máskara ora ki sidadi di Boston atinji un taxa médiu di seti dia pertu di 10 kazus puzitivus novus pa 100.000 rezidentis. Es rekumenda kel numeru li ku bazi na revizon di dados, y es sta ta kontinua ta furnesi kel rekumendason li komu markador di kandu BPS debi konsidera fazi turnu. Apartir di oji, sidadi ten un média di 28,8 kazus novus pa kada 100.000 rezidentis. Keli e mas di dobru di taxa di kazus puzitivus novus rejistradus na sidadi na inisiu di Marsu - pur issu inda nu ka fazi prugresu komu sidadi pa atinji limiar. Nu sta inda na konversas diárius ku Kumison di Saúdi Publiku di Boston y nu sta tanbe ta reve tudu otus protokolus di saudi y saúdi y Seguransa. Nu sabi ki ku tenpu mas kenti nu podi kumesa abri janelas y y kumesa muda atividadis pa rua. Un ária ki nos tudu ta konkroda e ki nu debi fazi prugresus e na nos taxas di vasinason pa alunos. BPS sa kontinua ta jiri klinikas di vasionason gratuitu na nos skolas y sa insentiva tudu kes ki e ilijivel a vasina y a reforsa. Nu ta ben kontinua ta manti nos familias informadus a midida ki nu ta konsidera rekumendasons di BPHC. Pa mas informasons sobri vasina y un lista di prosimus klinikas di vasinat na skolas di BPS favor vizita [www.bostonpublicschools.org/vaccines](http://www.bostonpublicschools.org/vaccines)

Na semana pasadu, Departamentu di Stadu di Ensinu Báziku y Sekundáriu (DESE) kompleta un revizon distrital di akonpanhamentu di BPS. N'kre primeru da un grandi louvu y partilha un mumentu di gratidon a ikipa interu di BPS pa trabadju detalhadu y rápidu di preparason pa

**Reunion rimotu di kumite Skular di Boston  
Zoom**

***kuarta-fera, 6 di Abril di 2022***

vizita di semana pasadu. Pa prepara revizon di segmentu, nos ikipa riuni y aprezena mas di 500 dukumentus, inkluidu un rezumu di 40 pájinas sobri nos prugresu des di ultimu relatóriu di revizon distrital na 2020. Nu aprezena un dukumentu final ki ta rezumiba kuze ki ikipa di avaliason odja duranti ses observasons na sala di aula y intrevistas ku menbrus di pesual, familias, alunus y partis interesadus di kumunidadi. Tudus kes material li furnesi mas un lenbrasa di inkrivel prugresu ki BPE ten fetu des di revizon inisial na 2020. Nau so nu manti kursu na meu di pandemia di COVID-19 y di sforsus di rekuperason en kursu, komu nu fazi tanbe prugresus signifikativus y stratéjikus.

Obrigadu a ikipa di revizon di Stadu pa tenpu nesesáriu pa konxi nos prugressus au longu di ultimus dos anos. Nu ta akredita ki stadu ta ben oia prugresus na nos infoki instrusional na alfabetizason ekitatifu, un enfoki na Sistemas di Suporti na várius nivel komu un ankura txabi pa distritu un planu stratéjiku klaru y fukalizadu ki ta sirbi kumu strela norti di distritu, prugresus na sentidu di un skola naslingusitku y rasial y etnikamenti diversu, un prufundu konpromisu ku ikuidadi y involvimentu familiar, dizenvolvimentu di pulitikas ikuitativus ku kumité skular y apoius signifikativus pa nos alunus, y investmentus txabi di distritu através di Garantia di Kualidadi. Nu sa preve resebi relatóriu na miadus di Maiu. N'ta ben kontinua ta manti nhos atualizadu.

So un atualizason rápidu sobri negusiasons sindikal, pamo n'sabi ma kumunidadi sta ta akonpanha di pertu. Nu sta inpenhadus na alkansa akordus ki ta funsiona dretu pa nos menbrus di pesual sima ku kes ki ta trabadja mas di pertu ku nos alunus. Mi y nha ikipa nu teni konversa kontinu ku Sindikatu di Prufisoris di Boston y ku Sindikatu di Muturistas di Autokarus, ta prusigi prioridadis ki nu ten diskutidu komu Kumité Skular. Nu sa ben kontinua ta mante Kumité y públiku informadus sobri nos negusiasons inkuantu nu ta kontinua ta difini stratéjias ku nos parserus na Gabinete di Prezidenti di Kamara y Na Kamara Munisipal pa txiga a akordu sobri nos kontratus sindikal.

Sima nu sa djobi implementa kadru di Garantia di Kualidadi, nu sa kontinua ta obi di pesual y di famílias sobri nesesidadi di aborda mas direktamenti nesesidadis kontinus y a longu prazus na instalasons. Un ikipa mutifunsional di departamentu BPS Operasons y Finansas di BPS ta riuni regularmenti pa reve nesesidadi na idifisius di nos skola y a akonselha sobri midjor kaminhu a sigi. NU sta tanbe na kontaktu prósimu ku ikipa di Kamara Munisipal na analiza idifisius di BPS na kontextu di tudu idifisius di Sidadi u modi ki nu poti atribui rekursus pa infrenta dizafius imediatus , au mesmu tenpu ki nu ta trabadja pa promula nos vizon pa tudu idifisius skular di BPS. Nu sta na prusesu di furnesi atualizasons pa familias y pa pesual di skolas di Sumner, Mendell, y Blackstone. N'sabi ma munti familias di Sumner sta li oji pa papia sobri putensial di uzu di Irving School inves di spasus BCYF pa ka desloka kel prugramason kumunitáriu inportanti na sentru kumunitáriu na Roslindale. Nu sa kontinua es konversa ku sidadi y nos ikipa di Operasons pa garanti midjor spasu pa 6º anu di Sumner. Katinha bons opsons na Outonu pasadu pa un spanson y pididu ikipa pa fazel funsiona. Pamo nu pensaba ma Irving ka era un opson dividu a konstruson, keli staba fora di asuntu. Ikipa di operasons informanu resentimenti ki renovasons na Irving ta ben inklui sobretudu design, ta torna skola disounivél oa uzu, u ki ta signifkaba ki nu ka tinha di disloka prugramas kumunitárius mas anplus na Sentru Kumunitáriu di Roslindale. Nu ta ben kontinua ta involvi ku líder di skola y kumunidadi Sumner a midida ki nu ta avansa ku spanson di 6º anu. N'ta ben trazi atualizasons adisional pa Kumité na prósimu semana.

*kuarta-fera, 6 di Abril di 2022*

Min kria daba nhos tudu atualizasons sobri nutifikasons di tarefas y inskrisons pa anu letivu 2022-2023. Primeru ronda di nutifikasons di atribuisons foi mandadu pa kureiu eletóniku na kinta fer, 31 di Marsu. Kes nutifikasons li e pa kualker alunu ki inskrevi entri 5 di Janeru y 7 di Fevereru di 2022, ki entra na turmas K0, K1, 6, y 9 na Setenbru. Kartas di nutifikason di atribuison foi mandadu pa email y kureiu postal. Si bu ka tiver un inderesu di email arkivadum ou bu ka resebi email, ou ka resebi karta na papel, pur favor kontakta Sentru di Boas-Vindas di BPS pa número 617-635-9010 pa diskubri trabadju di skola. Bu podi konfirma bu lugardi alunu pa prósimu anu ta txoma pa Sentru di Boas Vinda di BPS na numeru 617-635-9010 ou ta vizita [www.bostonpublicschools.org/rsvp](http://www.bostonpublicschools.org/rsvp). Bu ta ben mesti bu numeru di Identifikason di Alunu y di bu kódigu RSVP, tudu dos podi ser atxadu na bu karta di nutifikason di tarefa.

N'sabi ma menbrus di Kumité sta kuriozu sobri rezultadus di ronda ki nu sta ta prendi sobri xkolhas di famílias. Des di ronda kaba di ser prusesadu, ikipa ka ten tidu txeu tenpu pa konprimi tudu numerus, ma min podi partilha alguns pontus di dadus inisial y furnesi informasons mas kompletus na un segmento. Sen inklui trabadjus di idukason spesial, ki ta sigi un prusesu diferenti, 96% di kandidatus a K1 resebi un di ses tres midjor xkolha, inkluidu mas di 80% ta resebi se skola kes kria primeru. Nota, K0, ki tevi un aumentu di kandidatus y ten mutu menus lugar, sa parsi txeu diferenti: so serka di 40% di kandidatus resebi un di ses tres primeru xkola, y so 33% resebi se primeru xkolha. Kontudu, na 6º Anu, 91% du kadidatus resebi un di ses tres primeru xkolha, ku 70% ta resebi se primeru xkolha.

Pur faltar nisu, konvintis pa izamis skular pa kandidatus di 7º y 9º anu ta ben ser mandadu na final di Aril ou inisiu di Maiu. Tudus kes otu trabadju di 7º anu ta ben ser mandadu na final di Maiu, dipos di finalizason di konvitis pa izamis skular. Keli e grasas a elevadu numeru di alunus ki sa muda pa un novu skola na 7º anu, tantu pa skolas di izamis komu pa skolas ka di izami. Nu kre aseguira ki tudu famílias ten un oportunidadi di garanti un lugar na un di ses skolas preferidus. Foi mandadu tanbe tarefas di 9º anu pa skolas nau pertensentis a izami pa annu letivu di 2022-2023. Favor nota ki kel tarefa ki ka ta ben ten ninhun inpaktu na admison ou konviti pa skolas di izami. Alunus ki sta na lista di ilijibilidadi di skola di izami, ta ben ser inda konsideradus pa un konviti mesmu ki djes resebi ou aseita otu lugar na otu skola di BPS. Detalhis adisional e furnesidu na Junhu, inkluidu ilijibilidadi di transporti, kronograma pa famílias ki ta resebi tarefas di transporti na otukaru (pa alunus ilijivel), y modi opta pa ka partisipa na trsnporti na autokaru si e ka mesti. Pa mas infurmasons sobri ilijibilidadi di transporti na BPS, vizita [www.bostonpublicschools.org/transportation](http://www.bostonpublicschools.org/transportation) ou txoma pa linha diretu di transporti: 617-635-9520.

Enbora sa parsi so inisiu di Primavera, Veron sta li pertu ta ben, y altura di kumesa plania aprendizajen, enrikesimentu y oportunidadis di trabadju ou stájju di ses alunus e gosi. Nes Veron, BPS ta ben furnesi otu bes un konjuntu di programa pa alunus ten asesu a sesvisus di apoiu, inisiativas di rekuperason y aselerason akadémiku, y otus atividadis di enrikesimentu. Kes programamas li ta ben ser baziadus na skolas, na parserus y na atividadis, ta sirvi tudu bairus y ta oferese un mistura di oportunidadis prezensial y remotu. Paralen di programamas di aprendizajen di Veron ki BPS ta oferese, nu ten tanbe nos publikason "Summer Stuff" na un formatu online na nos site. "Summer Stuff" ta diskrevi tudu oportunidadis putensial pa alunus na tres árias prinsipal, inkluidu: programason skular y baziadu en parserus, kanpus y atividadis rekreativus, y trabadju, stájju y oportunidadi di voluntariadu. Bu podi atxa mas infurmason y un lista

**Reunion rimotu di kumite Skular di Boston  
Zoom**

***kuarta-fera, 6 di Abril di 2022***

kompletu di tudu oportunitatis di Veron dispunivel pa ses alunos na nos site na [www.bostonpublicschools.org/summer](http://www.bostonpublicschools.org/summer). Na site bu ta atxa tanbe alguns vidius di izenplu ki ta diskrebi modi ki podi ser un Veron ku BPS pa bu fidju. Kumesa plania Veron di bu fidju oji me!

Pur ultimu, so pa lenbra rápidu, 19-22 di Abril e pauza di Primavera pa Skolas Publiku di Boston. Pruveta kel tenpu li pa desfruta di tenpu di Primavera ki sa ta txiga, relaxa, y renisia y prepara pa volta a skola y termina restu di anu letivu ku forsa!

Si bu sta ta djabi atividadis di enrikesimentu pa bus alunos partisipa durante férias di Primavera, pur favor vizita site di BPS na [www.bostonpublicschools.org/April](http://www.bostonpublicschools.org/April). Pa más infurmason sobri kualker di kes programas ki nu lista na nos site, favor kontakta kordenadoris di programa.

Pruveta bu tenpu livri! Komu otu atualizason rápidu, kalendáriu di BPS pa anu letivu di 2022-2023 sta gosi dispunível na site di BPS na [www.bostonpublicschools.org/calendar](http://www.bostonpublicschools.org/calendar)

Keli e rilatóriu di nha superintendente pa és noti.

---

Denise Syder sklaresi pa Sra. Lopera ki numerus di inskrison na K0 y K1 prezentadus ka ta inklui parserias di distritu ku organizadoris baziadus na kumunidadi. Sra. Lopera pregunta modi ki tomadu desizons relativus a oportunitatis di aprendizajen di veron. Superitendenti sita un konjuntu di fatoris impulsionadoris, inkluidu un anu alargadu pa alunos ku nesesidatis spesial y konsiderasons sobri instalasons. Sra. Lopera pregunta sobri alvu di alunos sirvidus. Sra. Snyder fla ma BPS sta preparadu pa sirbi ate 15000 alunos nes Veron. Superitendenti y se ikipa ta ben furnesi kumité un relatóriu kompletu sobri aprendizajen di Veron na final des Primavera. Distritu dja kumesas ses sforsus di divulgason.

Dr. Alkins pregunta si ikipa di seguransa di skola sa ben riuni durante Veron. Superitendenti fla ma e ta ben fazi es rekomendason, Dr. Alkins pidi xklaresimentu sobri prusesu di atribuison di alunos. Sra. Snyder splika ki un algoritmu ta atribui número atoa y xkola di familia e konsideradu. E pregunta sobri planus pa Akademias di Aselesason di Abril. Dr. Echelson fla ma seson di abril ta ben sentra na matemátika y e nota ki inskrisons pa seson di Abril ta fina apartir di Fevereru, ku partisipason di mas di 70 skolas.

Sr. Cardet-Hernandez pregunta si BPS rejista un aumentu di número di insidentis di seguransa na skolas. Superitendenti fla ma dados ta mostra ki numeru di insidentis e semelhanti a di un anu normal. E fla ma skolas e seguros y e infatiza inpurtansia di parseria ku Sidadi, Departamentu di Pulisia di Boston, y MBTA.

Sr. Cardet-Hernandez pregunta si ta izisti algun sforsu pa parti di distritu pa universaliza prusesu di inskrison pa familias. Superintendenti papia sobri inpurtansia di sforsus kordenadus y di oferesi un sistema di intrega mistu pa garanti ki kriansas ten un ótimu kumesu

**Reunion rimotu di kumite Skular di Boston  
Zoom**

***kuarta-fera, 6 di Abril di 2022***

Sr. O'Neill nota un diskrepansia entri observasons verbal di Superitendenti y gráfiku aprezentadu na ekran ki ta ilustra nutifikasons di trabadjus skular pa turmas 6, 7, y 9. Sra. Snyder konfirma konvintis pa skolas di izamis skular pa kandidatus di 7° y 9° anu ta ben ser mandadu na final di Aril ou inisiu di Maiu. Tudu kes otu trabadju di 7° anu ta ben ser mandadu na final di Maiu, dipos di finalizason di konvintis pa izamis skular. Keli e grasas a elevadu numeru di alunus ki sa muda pa un novu skola na 7° anu, tantu pa skolas di izamis komu pa skolas ka di izami. Nu kre aseguira ki tudu famílias ten un opurtunidade di garanti un lugar na un di ses skolas preferidus. Foi mandadu tanbe tarefas di 9° anu pa skolas nau pertensentis a izami pa annu letivu di 2022-2023. Sra. Snyder fla me ta kurijiba slide y e ta binha pol otu bes na site. Sr. O'Neill ripiti se pididu anterior pa ki distriu libertaba mas rapidamenti pusivel konvintis pa skolas di izami a fin di aumenta kunfiansa y transperensia ku familias.

Sra. Polanco Garcia fla me dadu notisias di familias ki sta priokupadus ku amiasa di likidason di Stadu. Superintendente ki fla antesipa resebi un relatóriu preliminar di Departamentu di Insinu Báziku y Sekundáriu (DESE) di MA na inisiu di miadus di Maiu. BPS ta ben nton kuriji kulaker erus faktual antis di relatóriu final se divulgadu na final di Maiu.

Sr. Cardet-Hernandez pregunta sobri kapasidade di prugramas di idukason prekosi. E pregunta sobri stadu di kandidatuas a skolas di izami y di inskrison na ensinu sikundáriu. Superintendenti fla me sta ta antesipa un "tamanhu sertu" na matrikula na skolas di izami, a midida ki BPS ta kria na kualidade skular na tudu liseu. Sr. Cardet-Hernandez sujiri ki Kumité izamina dadus di prokura skular. Superitendenti fla me sta ba leba Kumite skular, na Junhu, un relatóriu kompletu sonri implementason di pulitikas skular, y e ta bai pidi se ikipa pa mostra padrons di matrikula en tornu di otus liseu. Sr. Cardet-Hernandez pidi pa kumite resebi dadus di prokura di skolas nau-izamis, inkluindu idukason prekosi y prugramas di idukason spesial. Sra. Snyder konkorda na da sigimentu.

Dr. Alkins sujiri pa Kumité izamina sistema di atribuison di alunus y kes djobeba árias di mas segregason. Superintendenti fla ma un análizi di sistema di atribuison di alunus ta ben ser un trabadju inpurtanti pa prósimu superitendenti.

Sra. Robinson papia sobri seguransa skular y e pregunta ki mekanismus distritu teni en vigor pa manti alunus na idifisius duranti dia skular. Superintendenti fla ma kada skola ten un planu di seguransa individual. E oferese pa ki pesual akonpanha ku mas infurmason. Xefi Interinu di Apoiu a Alunu, Neva Coakley Grice fla ma si alunus dexa zonas di skolas sen autorizason, Kódigu di Konduta ta ben ser uzadu.

Sra. Robinson pregunta si tudu alunu ta ben ten planu di Veron. Superintendenti respondi ki e un objetivu aspirasional garanti ki tudu alunus sta konsientis di opurtunidades di aprendizajen di Veron.

***Aprovadu-*** na xamada nominal, Kumite unanimamenti aprova rilatóriu di Supertendenti.



*kuarta-fera, 6 di Abril di 2022*

## RILATÓRIU

**Atualizason di prusesu di piskiza fetu pa suprintendenti-** Sra.Lopera ki ta dizenpenha funson di ko-prezidenti di Kumite di Prokura di Superintendenti, partilha un atualizason di prusesu di prokura di superintendenti y e aprezena un rekumendason pa seleson di un inpreza di prokura di izekutivus y diskrison di funsons di superitendenti.

Rekumendason di Inpreza di Peskiza Izekutivu:

Kumite resebi seti resposta a RFP pa un inpreza di buska di izekutivus. Un kumité di avaliason di FRP analiza prupostas y konsidera tres di kes seti komu sendu altamenti vantajozu. Di kes tres inprezas ki foi intrevistadum kumité determina ki un des ta oferese suluson mas vantajozu ki ta kunpri y ultrapasa objetivus di Skolas Publiku di Boston: One-Fourth Consulting LLC/JG Consulting. Ikipa di avaliason fika inpresionadu ku sperienza di JG na rializason di peskizas di superitendents, partikularmenti na distritus sima di Boston, sima se buska di xefi di Austin Independent School District. Pruposta total di ne-Fourth Consulting LLC/JG Consulting foi di \$75.000, sen inklui viajens pa kandidatus a superitendenti, etc., u ki foi konparável ku kes otus dos finalistas. Dipos di un votason pa Kumité Skular, si BPS for autorizadu pa Kumité Skular a selebra un kontratu ku JG, nton tudu prupostas ta ben sta dispunivel a publiku sima rekiridu pa prusidimentu RFP.

Sra. Lopera aprezena pa konsiderason di Kumité Diskrison di Funsons di Superintendenti. Kumité di piskiza aprova diskrison di trabadju na dia 5 di Abril, ku intindimentu di ki kumité skular y/o inpresa di piskisa podi opta pa fasi idisons superfisiais pa aprimora dukumentu antis di ser postadu y distribuidu largamenti.

Prinsipal atualizason ta inklui:

- Maior enfazi na avansu di ekuidadi, ta ilimina oportunitadís y lakunas di rializason, ta satisfazi nesesidadis di alunus multilingi y di alunus ku difisiensia, y tendu un sturial konprovadu ou alkansandu rezultadus fortis pa tudu alunus
- Un foku na autentiku involvimentu familiar y kumunitáriu fundamentadu na un kumunikason transparentu
- Ta distaka tópicus spesifikus ki surji duranti sesons di skuta publiku, sima: rekuperason di Pandemia di COVID-19; servisus di transporti fiavel y fiskalmenti fiável; planiamentu di instalasons ki ta spandi asesu a kualidadi; diversidadi pesual; anbientis skular seguros y akulhedor; y instruson di Alfabitizason Ikuitativu.
- Listajen di Sperienza Preferidu, sima spriensia komu líder distrital pa un distritu konparável; spriensia di parseria ku kumunidade duranti pandemia di COVID-19; familiaridadi ku ária di Boston; y multilinguismu ku preferensia pa fluensia na un ou mas di kes 9 prinsipal línguas di DIstritu

Kumité di Piskiza fazi kuartu sesons di skuta di kumunidade remotu: Dos seson jeral, un seson di Spanhil y un seson sentradu na alunu. Na total, mas di 1300 inskritus y mas di 770 partisipantis partisipa na kuartu sesons. Vidiu di kes sesons li, ben komu konversas, e publikadus na site di Prokura di Superitendenti [bostonpublicschools.org/supt-search](https://bostonpublicschools.org/supt-search). Tistimunhus en vídiu y enviú di



**Reunion rimotu di kumite Skular di Boston  
Zoom**

***kuarta-fera, 6 di Abril di 2022***

textus sta ta ser aseiti tanbe através di pájina di peskiza na Interneti. Des di 12 oras di oji, Kumité resebi 473 respostas di inkéritus. Inkériut ta ben manti abertu ti 15 di Abril. Kontribuisons podi ser mandadus pa email [pasuperintendentsearch@bostonpublicschools.org](mailto:pasuperintendentsearch@bostonpublicschools.org). Feedback di kumunidade ta ben djuda a informa perguntan di intrevista, y na ultimu análizi, kandidatus ki e konsideradus. Sra. Lopera resebi ku agradu kontínu kumentáriu y kontributus di kumunidade.

Sr. Cardet-Hernandez pregunta si JG Consulting fazi un peskiza na New England ou na un rejion ki ta parsi ku BPS. O Sr. O'Neill fla ma JG fazi dos peskizas anterior pa Skolas Publiku di Boston y foi semifinalista di ultimu peskiza di superitendenti di BPS. JG tanbe fazi un peskiza di superitendenti pa Austin, TX ki e un distritu di tamanhu semelhanti a BPS.

Sr. O'Neill deklara ki através di se trabadju komu prezidenti di konselhu izekutivu di Konselhu di Skolas di Grandi Sidadi, ben komu un menbru di Kumité Skular di Boston ki sirbi na tres kumités di buska di superitenditism tevi interasons ku maioria di inprezas di buska ki respondi a RFP pa un inpreza di buska di izekutivus, inkluindu kes tres finalistas. E partilha me ten un amizai prufisional ku Richard Carranza antigu prezidenti di konselhu izekutivu di CGCS y atual menbru di JG Consulting. Sr. O'Neill fla ki inbora ka tevi konfliktus di interesism e kria sensibiliza Kumité y públiku pa relason.

Sr. Cardet-Hernandez deklara ki dje trabadja antis ku Sr. Carranza na skolas publikus di New York City Public Schools y ke ka tevi ninhun komunikason resenti ku el.

Sra. Lopera sklaresi pa Sra. Robinson ki Kumité Skular sta ta ser konvidadu a vota na deskrison final di funsions di superitendenti ku intendimenti di ki inpreza di peskiza podi fazi idisons superfisional pa puli dukumentu.

Sr. O'Neill agradezi tudu kes ki partisipa na sesons di skuta, ta nota ki feedback di kumunidade foi inkorporadu na diskrison di funsions revistu.

Sra. Lopera rezumi pa Dr. Alkins atualizason ki Kumité di Peskiza fazi diskrison di funsions di 2018, inkluindu un enfazi mas grandi na ikuidadi, ta bira un distritu anti-rasista, spriensia a servisu di alunus multilingi, alunus lu nesetidadi sepsial, alunus multilingi ku nesetidadi spesial, ta movi distritu pa mas instruson di línguas nativusm y bilinguismum ta ilimina oportunidais y lakunas di rializason, y rekuperason di COVID. Sr. O'Neill akresenta ki kumunidade spresa preferensia pa alguen ku spriensia komu idukador y ku familiaridadi ku Boston.

Sr. Cardet-Hernandez fla ma distritu debi kria kondisyon pa ki prósimu superitendenti seja ben susedidu.

## **KUMENTÁRIU DI PUBLIKU EN JERAL**

Segintis algen tistimunha a respetu di negusiasons kuletivu entri Skolas Publiku di Boston/Kumité di Skola di Boston y Sindikatu di Prufisoris di Boston (BTU):

**Reunion rimotu di kumite Skular di Boston  
Zoom**

***kuarta-fera, 6 di Abril di 2022***

- Jessica Tang, rezidenti na Dorchester y prezidenti di Sindikatu di Prufisoris di Boston, aprezena un petison: Skolas y Kontratu Alunus di Boston Meresi
- Thy Nguyen, rezidenti na Dorchester y alunu di Excel High School
- Kayla Quinlan, rezidenti na Dorchester y alunu di Boston Day-Evening Academy
- Pamela Rose, rezidenti na Dorchester y mai di BPS
- Michael Maguire, rezidenti na West Roxbury y profesor di Boston Latin Academy
- Chantei Alves, rezidenti na Roslindale y profesora di BPS
- Anne Mosley, rezidenti na Jamaica Plain y mai di Young Achievers Math and Science School
- Bonnie McBride, rezidenti na Jamaica Plain y profesora di Fenway High School
- Melanie Miranda, rezidenti na Dorchester y paraprofisional di Eliot K-8 Innovation School
- Toni Robinson, rezidenti na Roslindale y profesor di BPS

Sigintis algen tistimunha en apoiu a Mission Hill K-8 School:

- Nathaniel Iliff, rezidenti na Jamaica Plain, ex-alunus di Mission Hill K-8 School
- Violet Kaney, rezidenti na Jamaica Plain
- Jessica Berwick, rezidenti na Jamaica Plain, y mai di Mission Hill K-8 School
- Allison Cox, rezidenti na Jamaica Plain, y mai di Mission Hill K-8 School
- Virginie Esain, rezidenti na Jamaica Plain, y mai di Mission Hill K-8 School
- Lonn Drucker, rezidenti na Jamaica Plain, y pais di Mission Hill K-8 School
- Ashley Hannah, rezidenti na Mattapan y mai di Mission Hill K-8 School
- Andy Crowe, rezidenti na West Roxbury y pai Mission Hill K-8 School
- Peggy Wiesenber, rezidenti na Jamaica Plain y ex pais di BPS

Sigintis algen tistimunha sobri planus di distritu pa akresenta un turma di 6<sup>o</sup> anu Sumner Elementary School:

- Rachel Young, rezidenti na Roslindale y mai di Sumner Elementary School
- Allison Friedmann, rezidenti na Roslindale y mai di Sumner Elementary School
- Lauren Peter, rezidenti na Roslindale y mai di Sumner Elementary School
- Elizabeth Ferrenz, rezidenti na Roslindale y mai di Sumner Elementary School

Sigintis algen tistimunha a respetu di planu a longu prazu di instalasons di Horace Mann School for the Deaf and Hard of Hearing (HMS):

- Charlie Kim, rezidenti na North End y mai di HMS
- Roseanna Jones, rezidenti na Holliston y profesora di HMS
- Mary Simmons, rezidenti di Belmont y profesora di HMS

- Karina Gonzales rezidenti na Roxbury y menbru di Sociedad Latina, tistimunha en apoiu a prátikas di justisa ristorativu.
- Brithany Quinonez, rezidenti na East Boston y menbru di Sociedad Latina, tistimunha na apoiu a studus étnikus.
- O’Ryan Gomez, rezidenti na Dorchester y menbru di Sociedad Latina, tistimunha en apoiu a prátikas di justisa ristorativu.
- Jahira Taveras,, rezidenti na Hyde Park y menbru di Sociedad Latina, tistimunha na apoiu a studus étnikus.

**kuarta-fera, 6 di Abril di 2022**

- Mike Heichman, Rezidenti na Dorchester y menbru di Boston Education Justice Alliance (BEJA), tistimunha a respetu di buska di superintendenti.
- John Mudd, rezidenti y defensor di Cambridge, tistimunha a respetu di diskrison di funsons di superintendenti.
- Edith Bazile, riziidenti y difensora di Hyde Park tistimunha sobri buska di superintendenti.
- Jules DeVasto, rezidenti na Dorchester y UP Academy Dorchester, tistimunha a favor di Schedule A Pay.
- Sharon Hinton, riziidenti y difensora di Hyde Park tistimunha sobri intervencion di stadu y di buska di superintendenti.
- Gordania Cundiff, rezidenti na Charlestown y pais di Warren-Prescott K-8 School tistimunha a respetu di seguransa skular.
- Teresa Castro Pregizer, rezidenti na Roxbury mai di Nathan Hale Elementary, tistimunha en apoiu a profesora Aaliyah Turner.
- Ruby Reyes, riziidenti di Dorchester, diretora izekutiva di Boston Education Justice Alliance, tistimunha kontra likidason di Stadu.

## PONTUS DI ASON

O Dr. Alkins pregunta sobri subsidiu di planiamentu MassStep y relason entri potensial inpregadoris y alunus adultus kes ta orienta. Direktora di Subsidius y Fundus Sternus Yvonne Macrae fla me sa baba pidiba Direktora Sénior di Idukason di Adultus Kristen D'Avolio pa fazeba akounpanhamentu.

**Aprovadu** - na xamada nominal, Kumité aprova pur unanimidadi subsidius pa Aprovason na total di \$115,174.

**Aprovadu** - pur xamada numinal, Kumité aprova seleson di One-Fourth Consulting/JG Consulting pa sirbi komu Inpreza di Peskiza Izekutivu pa Superintendenti do Skolas Publiku di Boston. Sr. Cardet Hernandez y Sr. O'Neill tudu dos abstevi pa ivita aparesiemtni di un konflitu di interesis, ja ki tudu dos trabadja antis ku Richard Carranza, ki e menbru di korpu dusenti di JG Consulting. Tudo otros membros vota sim.

**Aprovadu** - Na xamada numinal, Kumité aprova pur unanimidadi diskrison di Funsons di Supintendent, sima aprovadu pa Kumité di piskisa di Supintendenti.

## RELATORIUS

**Salárius tenpurárius y Nau-Pesual di fundus Sternus** - Dra. Yvonne Macrae, diretora di Subsidius Y Fundus Sternu, aprezenta pididu di Superintendenti pa apruvason di un orden di pagamentu intermediu di salárius pa pesual pagu a partir di fundus sternus, sima ónus pa nau-pesual. Kes subsidius li sta previstu pa AF di 23 y ta ben ser submetidus pa aprovason na runions futuris di Kumité skular, un bes ki es e atribuidus. Kel dekretu li foi pididu anualmente nes altura dividu a atrazu na resepsion di atribuison di fundus sternus

**Reunion rimotu di kumite Skular di Boston  
Zoom**

***kuarta-fera, 6 di Abril di 2022***

kartas y orsamentus finalizadus di muntis fontis di finansiamentu. Dekretu li ta ben autoriza distritu, na kazu julgadus ki ka ten risku, ta sulisita Auditor Munisipal pa aprova pagamentus intermédius di saláriu a pesual di distritu y a autoriza inkargus nau pesual, inkuantu sa speradu resepson di fundus sternus. Na kazu di un subsidiu ka ser konsedidu, kualker dispezas inkuridus ta ben ser kubertu pa fundu jeral. Kumite ka tinha duvidas. Un vutason sta previstu pa 27 di Abril di 2022.

**Nukliu di Autoridadi di Konstruson di Skolas di Massachusetts y Prujetus di Reparason Aseleradu Revistu** - Nate Kuder, Direktor Finanseru aprezena deklarasons di interesi (SOIs) pa prugrama prinsipal di Massachusetts School Building Authority (MSBA) di 2022, ki ta preve rienbolsu statal pa prujetus di konstruson di skolas ta abranji estensus riparasons, rinuvasons, adisons/rinuvasons, y konstruson di novus skolas. Superitendenti sa ta rekumenda aprezentason di SOIs pa skolas di Blackstone y Otis (Paris St Parcel). E rekumenda tanbe reaprezentason di SOIs pa siginti prugrama di Reparason Sileradu (ARP): Prujetus ki ta abranji riparason o substituison di tilhadus, janelas/portas y kalderas nun instalason struturalmenti solidu:

- Burke, Curley, Haley - Kalderas
- Henderson Upper y Ohrenberger - Muda tetu.
- English High School - Substituison di telhadus y janelas

Si SOI for aprovalu pa Kumité skular di Boston y pa Konselhu Munisipal di Boston, MSBA tabenm analiza reprezentasons na Veron-Outonu di 2022 antis di toma un disizon sonri aprezentasons di SOI tantu di ARP sima di SOI sentral na final di Outonu di 2022/inisiu di Invernu di 2023. Kumité debi ben vota rekumendasons a 27 Abril

A pididu di Sra.Lopera, Sr. Kuder splija ma prazu médiu pa konkluzon di un prujetu MSBA Core e di 5-7 anus.

Sr. Cardet-Hernandez pregunta sobri statutu di Horace Mann School for the Deaf and Hard of Hearing. Sr. Kuder fla ma, un bes ki pruposta di Horace Mann School ka foi aseiti pa MSBA, BPS sta ta trabadja ku Sidadi pa apoia prujetu ta uza finansiamentu di Kapital.

Dr. Alkins, modi ki BPS ta jiri prujetus paralelus. Xefi di Operasons Indy Alvarez papia sobri modi ki BPS ta jiri munti prujetus di munti skálas.

Ms. Lopera pregunta modi ki prujesons di inskrisons ten inpaktu na planiamentu di instalasons. Sr. Kuder papia sobri nesesidadi jeneralizadu di mudernizason di idifisius na distritu interu. Konselhera Prinsipal Megan Costello papia sobri trabadjus di avaliasons di kondisons di instalason ki sta en kursu.

Sr. Cardet-Hernandez papia sobri inpurtansia di ten un planu di instalasons abranjentis y a longu prazu y di involvi na tomada di disizon ku bazi na dadus. Sr. O'Neill fazi referensia di inpurtansia di un planu direktor di instalasons.

Sra. Robinson pregunta sobri planu di instalasons pa McKinley Schools. Superitendeni fla ma McKinley Schools y Madison Park Technical Vocational High School ta ben ser konsideradus prioritárius na prósimu orsamentu kapital.

***kuarta-fera, 6 di Abril di 2022***

Renuvason di Kontratu di transportis - Direktor di Transportis Delavern Stanislaus prezenta rekomendason di Superintendenti pa konsedi un prorogason di kontratu di un anu a furnesedor di Transportis Transdev di BPS. Es stenson ta serba di 1 di Julhu di 2022 ti 30 di junhu de 2023. BPS ten stadu na un kontratu d sinku anu ku Transdev des di Julhu di 2013. Kontratu ta ben ku sinku opsons di renovason ku durason di un anu. Sra. Stanislaus splika ki muda di operador di autokarus duranti un pandemia en kursu, un skases nasional di mon di obra y un tranzison di superitendenti ka ta serba di midjor interesi di alunus y di familias. BPS sa kontinua ta da prioridadi a stabildiadi y fiabilidadadi ku Transdev kel Veron li Outonu. Superitendenti rekumenda rializason di kontratu pa FY24.

Sra. Lopera pregunta sobri pontus di presao pa atinji dizenpenhu pontual na inisiu di anu letivu. Sra. Stanislaus papia sobri trabadju di kulaborason kruzadu di distritu pa midjora dizenpenhu puntual. Dr. Cassellius papia sobri kompleksidadi di dizafius di transporti di distritu y e spressa otimismo di ki prósimu superitendenti ta ben ser kapas di aborda es kestons.

Sr. Cardet-Hernandez pidi dadus sobri dizenpenhu pontual di tardi di distritu. Sra. Stanislaus konkorda na da sigimentu. Superitendenti fla ma ten un oportunidadi pa alunus ki forma na kareras di BPS y na prugramas téknikus pa prienxi falta di muturistas di distritu.

Dr. Alkins pregunta sobri prusesu di prokura di un novu furnesedor di transporti. Sra. Stanislaus fla ma distritu sa preve lansa un Konviti pa Konkursu (IFB) ti final di Veron, ta akresenta ki vos di kumunidadi ta ben ser inkorporadus.

## KUMENTÁRIU PUBLIKU SOBRI RELATORIUS

- Edith Bazile, advugada, papia sobri inpurtansia di ten un planu akadémiku forti pa prósimu anu letivu y di justisa rasial ikitativu.

## NOVU NEGOSIU

Sr. O'Neill fla me sta ansiozu pa konxi planus di Sra. Mercer pa universidadi.

## ADIAMENTU

***Apruvadu-*** Pa volta di 10:15 pm Kumite vota ku unanimidadi , pa xamada nominal adiamentu di runion.

Atestadu:



Elizabeth Sullivan  
Sikretária Izekutiva